



Գեղարքայ վանք . — Aijri-vank (Monastère aux-Cavernes ou de S.^{te} Lance.)

սանութեամբ երկրի տապալեալ է, այլ տակաւին մասանցն ամբողջ կալով 'ի գեանի' 'ի ձեան նկարա-
հանի արուեստագիտի ընծայէ զպատկերս զայս ճա-
կատու դիմին. որոյ քառակուսի է ձև հաւասար չա-
փով իբր ՅԱ սաք առ կողմն, և ձեղունն գմբեթաւ
աւարտեալ. ութ ոսնաչափ բարձր է յատակն քան
զհրաբոյսի գեանին յոր հիմնեալ է. երեսք նորա հային
'ի գուռն գղեկին. զճակասն վսեմաշուք բառնան
սիւնք վեց յոնիականք, կատարեալ գեղով և պարզու-
թեամբ ըստ Հին ոճոյն, 22 և կէս ոսն 'ի բարձրու-
թիւն հանգերձ վերնաբուռն, 25 բլթաչափ շրջապա-
տութեամբ. տակաւին ողջ կան քիւքն մանր գրուա-
գոք, տերևազարդիւք և հերպայանձ առիւծազլուովք.
բազմութիւն ջախջախեալ սեանցն և խոյակացն տան
կարծել թէ և համօրէն կողմանքն սիւնազարդք էին.
և յայտնապէս իսկ տեսնի այս 'ի յեանն կողմնն որ
հայի 'ի քարադնաց հոսանս Ազատայ և սակաւ ինչ
այլատարազ է քան զճակասն, մանաւանդ զարդքն
ծաղկաձկնք: 'Արջնպէս և անդաստակ տաճարին հոծ
և խիտ ունէր քանդակա և սիւնս. ստորին կողմանք
տաճարին ոչ երևեցուցանեն զարդս, այլ միայն սրը-
բատաշ քարինս: Ի հիւսիսոյ և յարևմտից հովանոցին
կան այլ աւերակք քարաշէնք, որ թուին բուն ապա-
րանք Խոսրովիգիսոյ, այլ 'ի քարանց հեղեղատի կա-
ռուցեալ, պարզունակ ոճով: Շարուն Գաղղիացի որ
իբր երկու դարուք յառաջ ճանապարհորդեաց ետես
'ի Գառնի և աշտարակ մի նորանշան ձեռով, որոյ շե-
րկին արդ հետք. իսկ 'ի հիւսիսոյ գղեկին կան մնա-
ցուածք մարտիոցան շինուածոյ, մեծամեծ գունաք

քարեղէնք նման հրաձիգ սրմբաց, և հեռագոյն 'ի
նմին կողման 'ի լեռնադաշտակի ուրեմն՝ աւերակք
գիւղաքաղաքին Գառնոյ կարի ընդարձակք. որմք քա-
րաշէն և տունք երկայնաշարք, և եկեղեցիք հինգ
թուով, որոց ոճ շինուածոյ նման է եկեղեցեացն
Էջմիածնայ. զմի յայնցանէ նորոգեալ այժմ՝ բնակ-
չաց տեղւոյն՝ կատարեն զսուրբ պաշտամունս. նշա-
նաւոր է յայլն մատուռն մի յանուն սրբոյ Կարա-
պետին, յոյժ գեղեցիկ յօրինուածով, կիսափուլ կա-
թողիկէիւ, որոյ է պատկերգ հանդիպոյ: Համօրէն
շրջավայրք Գառնոյ լի են այսպիսի աւերակոք. 'ի
սոցին սակի է և մնացուած բերդի միոյ 'ի քարաբլէք
մերձ յակն Ազատայ, զոր ժողովուրդն՝ Գանձատուն
Տրգատայ կոչէ:

141. Իբր ժամաւ և կիսով հեռի յարեւելց հիւ-
սիսոյ Գառնոյ 'ի ստորոտս անձաւախիտ լեռին Գե-
ղայ որ հայի 'ի ձորն Գառնոյ կայ 'ի գաւառին Կու-
տեկից հուշակաւոր մենաստանն Արիւնիս կամ Գե-
ւորքոյ, շրջապատեալ լեռամբք և քարաբլուք ահա-
ւորք. թուի և սա գաստակերտ կամ ժամանակակից
Տրգատայ շինիցն. քանզի և ոչ յետ բազմաց յայց ե-
լին տեղոյս Ս. Կերսէս և Ս. Սահակ՝ թէպէտ և 'ի
յեանոց նորոգեալ տեղւոյն միայն հիմունք պարսա-
պացն թուին հինք. հիւսիսային որմն կայ 'ի բարձու-
առապարի, և արևմտեանն առ 'ի շեղ բարձրացեալ,
իսկ այլք ցածունք են: Կրկին մուտք են վանայն, մի
անձուկ ընդ արևելս որ հայի 'ի գետակն կարկաջա-
սահ, և միւս ըստ արևմուտս լայն և խաչազարդ: Ի
մենաստանի աստ են եօթն եկեղեցիք զորմանաչէնք՝